



## **ESKOLAKO OHARRAK**

### **TRANSPATIOA**

Duela egun batzuk, hainbat familia auzolanean aritu ziren patioa eraldatzen, ESKERRIK ASKO lerro hauetatik; era berean, azaroak 4ean, Gipuzkoako Foru Aldundiak antolatutako berdintasun eta hezkidetzak konferentzia batean parte hartu zuten eskola komunitateko partaide batzuek eta gure Transpatioa proiektua beste erakunde eta beste ikastetxe batzuei azalduz zitzairen. Lerro hauetatik eskerrak eman nahi dizkizuegu gure eskola hobetzeko lanean aritu zireten guztioi, bereziki Ibon Mendoza (irakaslea), Edurne Arregi (irakasle eta guraso) Mertxe Petxarroman (Tabakalera), Ageda Blasco (artista) eta Maialen Mayoz (gurasoa).



### **EUSKARALDIA**

Azaroaren 20tik abenduaren 4ra Euskaraldiaren bigarren edizioa izango da. Milaka belarriprest eta ahobizik, 15 egunez, eguneroko hizkuntza-ohiturak aldatzeko ariketa soziala egingo dugu. Zeuk ere euskaraz gehiago, gehiagorekin eta gehiagotan egin nahi baduzu, 16 urte edo gehiago badituzu, eta euskara ulertzen baduzu, eman ezazu izena <http://izenematea.euskaraldia.eus/helbidean>. Animatu zaitzete!!!

Bestalde, Oiartzungo euskaraldiko batzordetik beste erronka bat proposatu nahi dizuegu, HIKALDIA. Parte hartzen duenak "H" bat gehituko dio bere txapari eta "hikaz" aritzeko gogoia adieraziko du. Berdin da ahobizi edo belarriprest izan. Hika entzuteko edota hitz egiteko gogoia badun/k animatu hadi!! Informazio gehiago nahi baduzue idatzi oiartzun@euskaraldia.eushelbidera.



### **ESKOLAKO EMAIL KORPORATIBO FAMILIARRAK**

Eskolako digitalizazio prozesuan aurrera goaz, horregatik eskolako familia bakoitzarentzat eskolako helbide elektronikoa sortu dugu. Zuen seme-alabek, eskolako helbide elektronikoa jasoko dute. Komunikazio kanal ofizial gisa erabiliko dugu eta eskolako informazio guztia eta irakasleekin harremana aipaturiko bide honetatik egiteko aukera izango du eskola komunitate osoak. Familia bakoitzaren helbide elektronikoa ahalik eta azkarren aktibatu eta pasahitza aldatzea eskatzen dizuegu, mesedez. Helbide elektronikoa martxan jartzeko, gmail.com orriaren bidez egin behar da.

### **COVID 19**

Lerro hauetatik gogorarazi nahi dizuegu, Hezkuntza Sailak urriak 2an publiko egin zuen dokumentuan zer jasotzen den: "ez dute ikastetxera joan behar COVID-19rekin bateragarriak diren sintomak dituzten pertsonak, ikasle, irakasle zein bestelako langileak izan, ez eta COVID-19ren diagnostikoa jaso ondoren isolatuta daudenek edo etxeko berrogeialdian daudenek ere, COVID-19rekin bateragarriak diren sintomak dituen pertsona batekin harreman estua izateagatik." Denon artean eskola babes dezagun.

Bestalde, gogorarazi nahi dizuegu, eguerdian etxean bazkaltzen duten ikasleentzat, eskola eremuko arratsaldeetako sarrera, ahal den neurrian 14:40etan izan behar duela, egoera ahalik eta ongien eutsi eta kudeatu ahal izateko.

Jakinarazi nahi dugu, konfinatzen diren Lehen Hezkuntzako ikasleek, aukera izango dutela, beharra izanez gero, eskolako ordenagailu bat eramateko. Honetarako, Zuzendaritzarekin harremanetan jarri eta bertan jasota geratuko den orria bete beharko da.

Azkenik, beste herri batetik, inork (aita, ama, aiton, amona, zaintzaile,...) gure eskolara etortzeko baimena beharko balu, eskolako Zuzendaritzan eska dezala. Orri hau egoki betetzeko, izen, abizen eta NAN zenbakia beharrezkoak dira.

## **URTEROKO MATERIALA KUOTA**

Lerro hauetatik gogorarazi nahi dizuegu, azaroak 16ean, materiala eta irteeratako kuota kontu korronte bidez kobratuko dela. Haur Hezkuntzan 96 euro izango dira, Lehen Hezkuntza ordea, 90 euro.

## **GURASO ELKARTEAREN OHARRAK**

Bizi dugun egoera dela eta, aurten 29 urtetan lehenengo aldiz ezin izan dugu Euskal Eskola Publikoaren Jaia Euskal Herriko txoko batean ospatu. Dena den eskola publikoaren aldeko material salmenta on line eskuragarri daukazuela gogorarazi nahi dizuegu.

Abenduaren 15a baino lehenago Jaiaren webgunean egiten diren eskariek doako bidalketa gastuak izango dituzte. Katalogoan salgai dauden produktu guztiak aurkituko dituzue, baita bakoitzaren ezaugarriak eta neurriak ere. Hazitik gora! katalogoa. Informazio gehiago: [www.euskaleskolapublikoarenjaia.eus/es/tienda-online](http://www.euskaleskolapublikoarenjaia.eus/es/tienda-online). Edozein duda izanez gero idatzi: [jaia@ehige.eus](mailto:jaia@ehige.eus).0.



[www.elizaldekogurasoelkarte.blogspot.com.es](http://www.elizaldekogurasoelkarte.blogspot.com.es) eta [www.elizalde.eus](http://www.elizalde.eus)